

ISAGOGICA

neus cum foeminis, cum calidis calidus, cū humidis humidus, fortuna cum fortunis, maxime laudabili aspectu coniunctus, infortuna cum infortunijs, praesertim eisdem aspectu malo uel corpore applicans. Secundū aliquos femora umbilicum, pecten, crura, neruos, & uenas regit. iuxta alios (& melius) os, linguā, cogitatiuam ac memoratiuam, manus quoq; & crura possidet. Ex coloribus autem omne commistum, & uarium. Magnitudo eius pars una est de .32. millibus partibus terrae. Radij autem ipsius gradus septem. Cursus uero suus cum Sole ac Venere conficit, Anni Mercurij maximi sunt, 460. maiores, 76. medij, 48. minores, 20.

☾ Luna (quæ ut plurimum cornicularis cernitur) pari, ac semicirculari forma signatur. Foeminina est, nocturna, naturaliter frigida, & humida, parum tamen calefacit, magis humectat. per quartas suas qualitatem, ut Sol in quartis, & anni temporibus quatuor commutat. Et est delatrix uirtutum, & impressionum omnium aliorum planetarum, nam omnes influentiæ per orbem ipsius ad nos ultimo descendunt. Ex coloribus croceum habet. In homine cerebrum, & in mare sinistrum oculum, in foemina dextrum, ac uuluam. In utroq; stomachū, uentrem, atq; in omnibus sinistrae partis portionem elegit, Magnitudo lunaris globi est una pars de .39. partibus terrae. Radii uero ipsius graduū duodecim sunt. Annus autem siue mensis Lunæ peragrorius ab uno ad eundem zodiaci punctum, iuxta eiusdem medium, & æqualem motum dierum est, 27. horis, 8. ferè. Alias lunaris siue consecutorius mensis dierum, 29. cum dimidio, omissis minutis, de quibus infra. Anni Lunæ maximi sunt, 520. maiores, 108. medij, 66. & dimidium, minores uero, 25.

♁ Caput draconis ueluti capiti caudam conuertens designatur (quorum uterq; ex intersectione linearum duarum Solis, s. ac Lunæ orbium in cælo describitur) cum bonis bonum est, cum malis malum. In coniunctione namq; bonorum bonitatem ipsorum adauget, sicuti in malorum coitu malitiam mali exaggerat.

♁ Cauda uero ipsius uerso modo signata bonitatem boni, & malitiam mali diminuit. Et ideo bona cum malis, mala autem cum bonis decernitur.